

七錄齋近集目錄

卷七

傳

堵月川先生傳

并贊

劉少司馬傳

嚴印持傳

記

少叅留仙馮公生祠記

瀛沙宋氏墓田記

七錄齋集目錄

卷七

張大中丞生祠記

夏氏綺山瑩重建饗堂記

贊

周采石年伯像贊

徐子與先生像贊

鍾伯泉像贊

姚孝子贊

有序

星士王心玄像贊

李少司空誄



祭文

祭徐伯母文

祭陳伯母唐太孺人文

祭王母沈孺人文

題詞

題張羽君夏山八詠冊

題董宗伯手書沈孝廉節母墓誌稿

題石佛寺法華經

林天孫詩稿題詞

七錄齋集目錄

卷七

二

題贈吳巒穉之光州司鐸

舊雨軒帖題詞

題會陞

跋

跋陸安甫先生像

跋洞庭吳伯玉藏申文定家書

楊年伯母唐太夫人貞壽頌序跋

顏帖跋

七錄齋近集目錄卷七

終

七錄齋近集卷七

婁東 張溥西銘 著

同里 張采受先

閱

金沙 周鍾介生

堵月川先生傳

并贊

堵公諱佳，號月川，晉陵之義興人也。堵氏系自河南，爲鄭三良後。元末有通五公者，自淮渡江，始卜居義興。時僞吳犯順，公結亭障保鄉里。邑人德之，再世懶樵公治水，邦溝功最高。江南北

七錄齋集

卷七

一

多祀於其土，聞之厚德活人子孫，必興于公。王翁孺之倫，史書可考也。堵氏爲邑扞圉，鄉黨安堵。後人又興水利，贍邦俗，樹德世世，宜豐融昌熾。累葉有聞，乃越數傳而堵公仲緘方成進士。何報之晚也。然懶樵公而下，詩書素封，耕稼不廢，味閒公繇太學生官留都司城，雅著高節，覺菴公饒於財，有名閭里，其家卽不大顯，衣冠長者未嘗中絕，而孝友廉讓尤推月川公。公父覺菴公，有丈夫子四，公其叔也。覺菴公不祿，仲季

怙貲相侵。公讓膏腴。代踐更務。多悅之。意卒不
解。曰。吾所問者。室中耳穴地。而藏其誰見焉。公
知其欲居處也。徙宅避之。遂家郡城。婦王孺人。
大家女也。適月川公時。車裝甚盛。比遭譙詆。典
衣解爭。家室轉徙。篋笥不繼。宗親僕媪。間過慰
問。見服飾羸敗。頤頷不平。孺人輒戒勿言。終無
愠色。既而諸父蠶食且盡。復爲好語相向。公與
孺人時洗腆。候起居。不少逸墜。諸父退而自恚。
求好如平日。晉陵之人善之。曰。賢哉。月川夫婦。

七錄齋集

卷七

二

之善徙也。蔡中郎年踰三十。叔父親之。如幼童。
劉隱安慕老萊。嚴陵推財於諸弟。及其兄子妻。
亦將笨本車入市貿易。月川人倫之遇。不若中
郎。而伉儷至行。同於隱安。宗族諸老。始而爭繼。
而愧掩戶自撻。易怨爲德。有以也。夫公既遘家
難。破生產。益達觀。任化外。大父諸子。分異各鬪。
公苦言曉譬。母爲蝸蛛。皆盛氣弗省。後竟兩敗。
相率登門謝公。家有彥方。不知師法。而色於室。
慚且欲死。同里感其義。莫有鬪者。公生六子。冲

字公居長爲邑茂才冲宇公生仲緘公今崇禎
之丁丑進士也公大度喜子人家雖訥有無豐
約不屑介介而教子獨密更敬禮師傅一歲間
設三塾饋漿切肉必躬親之內教諸女必以女
師使通書傳大義冲宇公窮經顯名從學著錄
者日至逢衣大帶而所居重二千石數試告罷
嬰病不起平居戒子嘗云守業者昌棄業者殃
因累棋戲又戒以最上而危最下而安學者誦
焉此堵氏之東西銘也臨沒仲緘公侍爲講樂

七錄齋集

卷七

三

正子春下堂一章蓋公訓子先授以禮冲宇公
謹識不忘啓手啓足以是爲正終焉爾冲宇公
素艱子走禱良嘗洞凡七往真君告以夢滅齡
可得慧子陶孺人亦夢玉童入懷而仲緘生父
歿幾三十年而仲緘始貴追思王父母與父母
不及養卽變采服廬墓傍以九月之哭當喪制
三之一枯桐再華人稱孝感論其貽謀則祖志
也公初教誨冲宇公兄弟時以家世父富代無
簪纓有子考无咎是在諸子冲宇公旣不遇中

子奇穎復天。遂喟然生命。有終焉之志。築圃觴
咏。更號漁樵巖下。老人孤雲自飛。阿映棲林如
魚得水。公其可以無死乎。然冲宇公沒。公撫之
泣。哭不成聲。亡乎。亦卒。東望吾子舍而不瞑。此
仲緘進士所尤哀也。後學婁東張溥曰。予交堵
農部。知人倫之重。父子祖孫間有介然不欺者
及讀銅山太史氏禮問諸篇。則出涕覆面。銅山
孝子也。見農部行事而哀。嗷然孺子啼。晉陵禮
義之鄉。海內論道德者宗焉。不幸而有禽鹿名

七錄齋集

卷七

四

得農部而小雅不亡。世俗好毀失真。聞人善則
弗樂也。一丘之貉。十夫之椎。沒而不察。吾交農
部如睹。延陵季子焉。蔡邕王祥。古之純孝。卒以
公卿自累。銅山傷之。獨行天地。蓋其難哉。堵氏
析宗。在胡元之季。既而執干戈。通灌溉。士人謳
歌。肖形五祀。十世後興。乃有農部。又不徒以功
名顯也。倚廬而哭。九閱月。而後訖。變禮得嘗曰。
王父保世之祖也。家世饒財。不乘堅。驅良。逐狡。
兎斯何爲者。月川孝讓。毀室。取子褰衣避之三。

公不能易萬鍾不足慕孝子志也農部有焉彼
將砥礪特立成名之始矯世而歸之正蘭陵之
風可以不墜銅山論禮既責反古尤戒失身堵
氏家訓蓋先之矣朔方甚榮睢陵甚辱能擇於
二者非農部其誰成紀有李陵則學士大夫羞
稱隴西陽羨僻介山水間城無百雉二三年間
死事有盧尚書生孝有堵農部亦當代所共偉
也檜之詩曰庶見素冠兮言不能三年也卜子
夏閔子騫三年喪畢見夫子而援琴皆稱君子
七錄齋集

卷七

五

廬墓於賢者爲輕所最難者農部欲以身訓耳
然上承數世下啓方來非月川隱君之至仁烏
所睹發祥云

劉少司馬傳

侍郎劉公之綸字元誠別號與鷗蜀之宜賓沙溪人也始祖受二國初以材官從征入蜀家於宜賓之開山鄉至九世徙沙溪爲興貴公卽公父也公少奇慧長喜學理家言大書其坐隅曰必爲聖人里中因呼爲劉聖人諸生時從游者滿門公案古弟子職立師法省試冠禮經會奢酋難發萃驍銳攻會城分兵掠旁邑公登城鳴鼓帥鄉人防守當一面上兵使者書言賊將七錄齋集

卷七

六

情歸可擊也宜整兵恢復南富瀘陽扼其歸路議格不行賊遂安渡瀘陽遁去是時公在兵間凡五月發策必中賊利害雖言未盡施用然蜀中貴人當事者爭稱劉孝廉戰守方畧矣今

天子改元之初歲戊辰公成進士吳下張公受先采者公同門生一見卽恨識公晚公忼慨言曰以身許人自今日始予與子生同時相去數千里不識面今一旦比肩師門稱兄弟四海大矣非可獨爲今與子求之四百人中得誠死忠

孝者一得當以報

天子耳。頃之入國學。行釋菜禮。公蹙然懼。私誦詩曰。彼其之子。不稱其服。顧望稠人中。有危容。端立者。楚金公正希聲也。公遂與定交。堂廡之下。自是三人往還極歡。亡何。張公出宰臨川。公偕金公改庶吉士。出入館中。輒抵掌。謂方今所急在夷狄。不在小人。苟虜至。是與小人以間也。相期約習。諸邊曲折。四方豪傑游京師。能一時爲國急使者。陰察其姓名。疏記之。客申甫者。滇

七錄齋集

卷七

七

人。濶大有口辨。兩公呼與語。不合。比設多方試之。及國家大事。往往涕泣願死。則奇之。彼言卽難盡信。然死則死耳。彼韋而跗注者。無其人也。已巳冬十月。虜入大安口。報數日不辨種落。都城厭厭。夜飲如平時。公亟上疏。以破格用人請。詔聽其言。問誰可當大將者。公與金公謀。倉卒求大將。何可得。獨保能死義者。申甫也。廼以甫對。上立勅授甫京營副總兵。金公以御史銜叅軍。授公協理戎政。兵部右侍郎。官制庶

嘗職史卽左遷官臺省其職史者歷歲爲大卿
至宰相金公有名館閣間反樽紬就御史歷戎
伍劉公卽驟司馬乎顧庶嘗官不關他職養資
十餘年卿相自在也今獨不恤以身一當虜公
旣受命數請辭不可則出視事時虜已破遵化
直薄京城公晝夜登陴見虜騎逞不勝憤請出
城自效蓋公雖銜右司馬同事者有協理有總
督有內臣提督權不自任旣請出城無兵則請
京營兵不得則請關外川兵又不得則議召募

七錄齋集

卷七

八

衣裝芻糧馬匹器械一時無有也公乃列四難
狀上費僅給半公權宜貸資之適安化門外援
兵潰滿桂等死甫夜襲虜戰歿舉國震恐公遂
誓師行與將士泣曰不滅虜無生入彰義門明
日發兵八路進直趨大屯王子營與栢林老營
虜聞宵遁追者日斬獲有功方

天子親策申甫爲大將也召入 殿廷呼使近
勞以溫言甫退感激欲死卽奮身請與虜搏三

日內募兵稍稍集皆市井乞食無賴子弟驟嘗

虜虜仇健不敵皆遇害。報聞。

天子吟歎不食。及聞公逐北虜多捕斬大喜。有言公戰却者不問公疏辨。詔慰之。公兵抵薊州。方圖復遵化。會馬帥世龍將兵五萬軍薊。吳帥自勉亦將兵二萬至。公特偵虜分駐永平。留遵化者可數千騎。與二將約趨永平。親將八路趨遵化。扼虜。二將許諾。明日公抵石門。遇虜破之。命將留守石門。別將攻羅文峪。公親至出頭嶺。觀虜虛實。時馬帥名武經畧不受公節制。公

七錄齋集

卷七

至白草頂。逼遵化。遽遣一候騎邀公回薊州。公不應。營娘娘山。蓋距遵化八里矣。令二將如公約。趨永平。牽虜無動。公以勝兵專攻遵化。遵化復虜必大殲。迺二將實未離薊。虜在永平者聞公逼遵化。即驅三萬騎轉而南。分二路。一上白草頂。一上娘娘山。時公方設伏破虜北門。虜奔羅文峪。別將擊之。幾盡。忽馬騎徧山谷。公度二將兵合。舉火視之。虜也。公堅陣待。令軍中架砲。虜中砲傷殺百騎。然虜觀四野蕩蕩。援兵絕。知

焚虜兵騰而上山。一裨較謂公曰：虜兵甚銳，結陳徐退，可要後功。公案劔曰：無多言，吾受國不世恩，誓滅虜朝食。顧所請無一應。今日事不成，卽死今日耳。命鼓人嚴鼓再戰。自午至酉，士皆殊死戰。軍中矢石竭，人持短刀夾公馬而前。虜矢集如雨。公度不可爲，大呼曰：死，死，負。

皇上時家丁劉學敏在旁，公解所佩印授之曰：持此歸方公。方公者順天撫臣方大任也。公猶

七錄齋集

卷七

十

距躍督戰。俄中流矢，抽刀斷矢，遂絕。諸將從公者，齊呼哭震天，拔營野戰，皆死之。公屍自娘娘山下，迎至阜城門慈惠寺。矢貫顛及足膝，面如生，道路觀者無不流涕。然虜自此北遁。京師諸輔再奠安矣。張溥曰：已已之變，余聞劉公痛哭殿上，旣死，目不瞑。母陳太淑人吮之，目乃瞑。未嘗不失聲泣也。方虜蹂躪畿輔，公伏地哀號，聖人動色。彼其時，何嘗意少司馬乎。申甫一滇南布衣，一旦歷玉階，握大燾，卽欲不死，安可得。

哉。公。可。以。無。死。顧。不。用。之。決。策。廟。堂。而。委。以。戰。戰。固。公。志。也。戰。而。勝。勝。而。援。絕。則。真。窮。耳。國。家。平。日。高。官。大。糈。禮。養。諸。臣。倉。卒。難。起。皆。袖。手。不。言。有。奮。然。出。者。相。與。日。笑。之。猥。以。兒。女。子。相。加。至。死。而。求。備。者。比。比。也。公。身。任。上。卿。轉。鬪。千。里。矢。貫。頂。踵。國。人。哀。焉。嗚。呼。此。漢。耿。育。所。以。訟。陳。湯。也。公。弟。之。紀。數。走。闕。下。欲。上。書。請。公。爵。諡。老。母。弱。子。瀕。困。饑。寒。忠。可。爲。而。不。可。爲。也。五。千。里。外。御。史。金。公。經。紀。之。如。家。人。臨。川。令。張。公。居。家。誦。公。卽。噉。然。涕。語。云。一。死。一。生。乃。見。交。情。余。又。於。兩。君。子。見。之。矣。

嚴印持傳

嚴公調御字印持別號廢翁餘杭人也先世籍餘姚自剛二官人徙餘杭因家焉嘉靖間大父鳳陽公以方藥受上知隸太醫院父順菴公承院藉舉順天鄉試成進士官太嘗印持其庶長子也太嘗初艱舉與高夫人爲笱副得楊孺人而生印持夫人愛之名之曰高公十歲卽遭太嘗公喪高夫人又繼逝夫人素嚴不私外家諸舅出怨言憫孺子幼持之急公爲牽衣泣惟

七錄齋集

卷七

三

舅氏命率感動罷去弱冠知名與同里聞子將立社西湖名小築武林固吳越都會南宋駐驛後山水冠帶甲天下嚴聞二公以文事倡教四方爭趨之時萬曆中年六藝盛興婁東瑯琊流風未遠海虞梁谿句曲徵江西安南州之間皆有社名而舟車中道悉集武林以故小築一選網羅弘富江海竒怪靡所不有初見之者驚爲不嘗或至卻走久而流連愛慕坐卧不舍鉅公大科輒從此出學者喜言小築嚴聞之名繇是

益高郡邑大夫。藩方牧伯甫至。省拜孤山六堤。必詢二君。然嚴公方峻。不近脂膏。入揖使君高談。文義間忘日暮。有導以請託者。卽唾不顧。左道盤互山箒。邦君患之。公揮手笑曰。無難也。令具紙墨代書。聖諭六解。分布村塢。應時銷散。公數數場屋。當事者雅愛重。願招致門下。每病數奇。壯歲食餼。頗沉默不自得。而力學不衰。家有才子曰渡。年十許。卽從父應對賓客。辨問所疑。沛若河注。諸父行異之。字曰子岸。君家孔融。

七錄齋集

卷七

七

也。旣長。交道日廣。海內與于岸友者。見公辟席側行。多執子弟禮。公異母弟忍公。忍公子子問。子餐。俱名士。文詞行義。頡頏家庭。而聞子將得子。最晚。幼而神伶。嚴氏諸郎。君以弟畜之。武林之人。誦曰。聞嚴昌後。貽厥力也。公性恪孝。少事母楊。雖長大。奉顏色如兒時。飲客所歸。必懷果以獻。母病劇。戒公遠女謁。公流涕頓首抱母簀。毯自隨。遂誓斷慾。乳母死。厚葬之。歲時酌飯不置。公博學多通。奕居第二品。尤長鼓琴。家藏鳴

球。明琴。二器。後獲大唐雷霄琴。竒弄間發。爲作
琴。述。處。稽。賦。阮。論。間。書。法。絕。工。更。精。顏。學。曰。吾
師。其。人。習。其。體。將。營。菟。裘。焉。公。謝。諸。生。子。岸。以
才。名。應。詔。書。將。大。其。門。公。厭。苦。人。間。事。逃。而。之
禪。雲。棲。大。師。進。授。梵。冊。座。下。道。人。稱。爲。無。輩。臨
歿。時。惟。懸。高。峯。像。作。七。佛。偈。結。趺。而。逝。公。善。楊
兆。開。兆。開。死。以。女。妻。其。子。子。將。年。少。于。公。忽。先
公。死。公。哭。曰。子。將。往。矣。吾。其。誰。歸。時。正。六。十。爲
廢。舉。觴。遂。病。不。起。邑。人。聞。而。哀。之。曰。公。之。死。以
友。故。也。

七錄齋集

卷七

古

張溥曰。廢翁嘗過余。言論長者。旣與子岸遊。歎
其閱覽博物。以彼父子。鄭莊之徒。翁愛老廢。擊
缶而歌。以不仕之風。包道德之指。漢代嚴氏。多
異人。苗裔蓋不絕也。

少叅留仙馮公生祠記

海內學者誦說當今賢士大夫。必先慈谿大小馮公。大馮公留仙先生。小馮公艱仙先生也。大馮公長小馮公十年。小馮公少失怙。從大馮公學。大馮公親授經義。成通儒。已而並舉鄉薦。大馮公年三十。小馮公年二十。名傾都下。人人願登門定驪。南宮之役。小馮公先僦。又遲六年。大馮公方成進士。官曹郎。久之。出就臬司。備兵蘇松。當公之初解褐也。爲

七錄齋集

卷七

十五

今天子首科。重詞臣選。一時推公居首。公掩郎舍。謝書問。若不聞者。予曾識公。馬上竊心偉之。踰二年。應選人目。拜工部郎。會中官出握金穀。文書交關。盛氣相折。公抗章攻之。不報。卽稱病免。家居三載。起擢禮官。公免應命。議文物典章。守職不阿。以考功法言。公資爲諸郎。長春官大夫。躬親嘉禮。宜留京師。副卿寺。公獨默默。循次補外。江南郡邑。聞公來蒞海上。咸驚相告。謂此固浙東大儒。寬衣方袍。不畏強禦者也。其來

必有異。未幾公入境內。拜先賢祠墓。問名士。敬
百年。捕不法者誅之。其他文法皆滌除。務與百
姓休息。而最大者。尤在詰兵戎。簡徭役。海濱盜
窟。軍政積弛。按簿呼名。虛伍殆半。材官上兵器
鈍。戈朽甲不能當一鎌。用城門塢壁。悉頽圯不
治。公巡行旬日。憂瘠廢箸。盡閱鍤金。下有司修
繕不足。則自典篋中。衣履資之。間進幕府。賓客
議所振作。知行伍苦飢餉不給。詭名上請。惠
格中飽。公按月計食。身自唱籌。猾吏豪暴。無能

七錄齋集

卷七

六

高下。水陸營士。得糈投膠。爲公鼓舞。莫不以一
當百。江南雖澤國。乎負石挽強。抵掌兵事。熊虎
自命者。所在而有。公設數科募之。千里以外。聞
風景趣。不三四月。和門以下。人可將也。奴虜數
訖。公爲書生時。卽草萬言。論利害。終大夫。晁家
令。愧弗如也。丙子初秋。奴騎犇突。火焰西陵。
公聞報。卽走大中丞門。慟哭請行。時寇窺皖。滁

上七

棘。方藉公端坐。懾之。公急

君父。未宿

卽發。獨身抵大江。踰長淮。三江歌呼。聲動天地。

一稟師律。吉行無譴。四方高公之義。雲應響答。如林畢集。復聞解嚴。徐還手拮据。飲食諸麾。從不欲重公家費。然公行時。八閩學使者命已下。人皆謂公儒者。司文其職也。舍干戈而塗典墳。惟朝廷使耳。公縛袴不應。銳征而前。學使者命遂止。予間論古今。全人實難。絳灌無文。隨陸無武。繇來興慨。至讀東漢列傳。涼州三明。尤增歎息。彼段侯勿論。張然明竒節。偉代炤耀。圖史感于矯節。爲寺人揚兵毒恨。填心悔艾。無及皇

七錄齋集

卷七

七

甫威明。西州豪傑。上書赤墀。託附黨人。意彼出入羽翰。聲名未立。時與嚮者三君之流。固落落也。大小馮公。閎閱世胄。經學風節。爲世師表。小馮公居諫官。上殿直言。感虹貫日。大馮公嶽嶽郎署。旬宣東南。野王行能。敬通慷慨。兼有其槩。旣不愛其軀。爲國馳驅。吞胡之志。朝食不暇。又談先王本仁義。兩京太學。九州冠蓋。無不知馮公者。乃文乃武。萬邦爲憲。其斯人乎。公欲然自下。嘗若不勝。方之三明。豈特度越而已。公之入

援。灑。泣。誓。師。執。鞞。踊。距。揚。舡。而。北。父。老。兒。童。列。
岸。環。拜。願。君。侯。剪。撲。颺。忽。熊。軾。亟。還。以。慰。南。土。
亡。何。東。歸。擁。迎。道。左。歌。唱。啓。路。乃。還。未。暮。年。公。
又。解。組。斯。行。何。爲。國。人。惜。焉。公。性。愛。民。喜。下。士。
聞。一。善。人。深。山。幽。谷。不。憚。命。駕。獲。一。善。言。寶。鼎。
太。牢。蔑。加。也。而。獨。抵。捍。權。勢。見。輒。唾。走。妻。子。菜。
食。簞。肉。壺。酒。不。及。餽。問。疑。以。此。罷。官。然。會。有。天。
幸。誠。心。感。人。雖。遇。異。物。不。形。水。火。至。德。無。名。坤。
厚。載。物。其。量。然。也。卽。闕。下。譎。誣。于。公。何。與。公。

七錄齋集

卷七

六

色然而爭。惟義是力。公嘗有言矣。聖人在上。
六經不滅。予所爭者。仲尼之道。

高祖之制也。卽以此行可也。夫公官備兵。兵者。
國之大事。我行東土。盜賊熾歟。武庫廢歟。車徒。
囂歟。此數者。責皆在公公。一變而整齊之火土。
金錫。無利不成。鹽梅。琴瑟。無物不和。使久于其。
位。檣。杙。皆。麒麟。役。夫。皆。虎。士。王。道。易。易。將。復。見。
之。迄今追思馮公者。肖像廟祀。日夜冀公之來。
究問以何道而去。則各瞠目不言。且有仰天絕。

纓者公去婁之日精騎千羣材勇百輩民忘已
勞士不愛死以此擊賊何賊不摧以此滅虜何
虜不尅執事者方憂大河以北幽州以東豈其
獨遺吾土兩郡諸生好義慕德千里同風余處
婁江畧記所目睹云若公之深仁弘烈經緯兩
間伐東吳之大石不足爲峴山之淚碑小言詹
詹又烏能萬一乎

瀛沙宋氏墓田記

宋氏之家於瀛之西沙也。三百年矣。子孫千人。聚廬合宅。有周尹氏。漢樊重風。及考墓地。在沙之上。龔福狀。先世建塋。從塋者昭穆十有七。觀禮者異焉。古之卜葬也。擇高明安魂魄。自天子七月。迄士踰月。適於期焉。而止。未嘗有所謂陰陽拘忌。禍福遷徙也。後季好奢喜禁。因凶求吉。浮游山川。追討地脉。父而不卜。卜而復改。父母同堂。分營宅兆。宰木已拱。馬鬣更新。禮之。不古。

七錄齋集

卷七

二十一

於斯爲甚。又安得有六世一壠。父先子後。祭而不殊。若西沙宋墓者哉。子門下士宋子猶。龍今之純孝也。推論始祖伯祿公。繇昇州來。均實公繼之。世守不失。爲今墓道。嗟乎陵谷代變。北邙纍纍。咎繇公琴子雲玄冢。問之樵牧。識者鮮矣。宋氏徙瀛。在南渡用兵以後。歷年深遠。家門風素。又非行營高敞。旁置萬家。道列賜馬。爲樗里淮陰。榮人觀聽。而遺溝如昔。幽明位序。雖其厚。封樹亦繇鄉土表識。殯宮不雜。苗裔託處。易

於灑掃也。子猶大父企和，父瞻巖，友睦好義，歲拜墓上，與族人謀所以父之釀金得田爲畝八十，選宗長司守，專主祭祀，歲時伏臘，子姓長幼走望墓隧，卽彷彿燕禮，爲作千人食，敬祖洽族，二義兼舉，又恐久漸湮沒，鑿石明之，予聞其事，重其有禮，而幸古道之復興也。古者典祀皆以宗名，宗者廟也，親親之義必統於廟，伯夷爲秩宗，周禮有宗伯，春官有都宗，人家宗人宗之重也尚矣。宗教不明而後祭祀之義荒，祭祀之義荒

七錄齋集

卷七

三

而後子弟之行薄，今使衣冠之家盡修宗法，崇祭義，嚴祀以敬祖考，燕食以訓羣族，賢者進之於廟，不肖者不齒於宗，登覽丘墟，婆娑松栢，先人實式臨焉，行葦作而頰弁息，雖有商君之法，烏能惑乎子，猶向從予學，求修廉隅，邑稱異行，兼習禮經，檀弓曾子之業，其所精也。緣祭田之設，廣族譜義，士禮不亡，而說則可通於公侯卿大夫矣。

石為碑，弟子孫處止，吾愧愧，其其

朱子西三集千人所招弄初撰其

張大中丞生詞記

東陽王笥張公於崇禎甲戌之歲以大中丞出撫南國。迄庚辰凡七載。晉冬官侍郎銜命總河。天子念公之勤。詔驛馬上見江介數千里。空城臥車奔走屬路。公星言趨朝。吳人攀塵而泣曰。公胡舍我乃謀立詞於姑蘇之虎丘山塘。肖像其中。所以致時思也。公東陽名裔。年少博聞。有文章理學稱。既成進士冠一經。授令東粵。政成名循良。首登諫垣。抗章正色。言路肅清。

七錄齋集

卷七

三

久之陟太嘗。次當秉節鉞。朝廷方重南顧。憂命公填撫往者。東南無事。上流晏安。大中丞鳴笳建纛。唯戒海上。毋煩親行。公獨會寇驚流氛。豕突數撼皖城。潛太英霍。無日不戰。陪京震恐。羽書交馳。公擐甲胄。自蘇抵皖。自皖歷江。單舸一騎。與士卒同卧起。江浦之圍。城幾不守。公遣壯士輦砲石。銜枚疾趨。擊其不備。賊徒崩潰。斬首數千。六合諸邑。樓堞不設。關箱屢焚。公召其耆老大人。謀共城之。又身披萑葦。周遊江岸。列

戰艦於采石。布大營於京口。明烽燧。嚴候望。自是賊始怖服。謂吳軍山岳無敢過也。皖向無備。兵食調發。仰給蘇松。寇至則遣寇。罷則歸。江南萬族轉餉自食。反爲皖役。或慮脫巾。延往來疾鬪。勇氣益賈。曰有開府公在。公固吾天。東西南北。惟所使耳。公方正嶽嶽。頗與其鄉當軸者不合。數構吳獄。欲以難公。公間爲軍民利害有所陳請。必中掣其肘。公矢公論。奏意不少衰。公建牙地在郡會。多賢人君子。周忠介葬。公徒步往。

七錄齋集

卷七

三

送不避泥中。文相國姚宮端相繼歿。哭之極哀。里巷潛德。撤騶下訪。孝秀觀感。布衣歎息。苟不自濯磨以負公者。卽冠不齒。移郊遂爾。吳俗浮奢。婚喪無度。公設法制。禁遨遊。絕火葬。或貧不能舉者。損橐資之。七年以來。旱蝗頻見。歲事單矣。公暘不張蓋。走祈羣神。數月不雨。大澍時行。飛虫蔽野。墜水盡死。皆公精誠所格也。糧艘狼噬。踐更破家。耆胥老吏。舞文筦庫。舵師遊手。喜言海市。數者皆江南重患。公以次銷除。中道而

化學較之誦公者曰廟貌甚修俎豆甚序薦辟
潔清講堂敬肅維公之賜閭閻之誦公者曰龐
吠不驚吏呼不聞市肆以和負戴以禮維公之
澤營伍之誦公者曰我衣公衣我食公食門有
投石道無探丸維公之休將吏之誦公者曰無
脂無膏無喜無怒勇及式蛙墨則解綬維公之
勸迨巡覽阡陌松檟盈塗縱觀流泉橋梁必植
更歎公仁被枯朽惠存行路自上下下抑何至
也 明興巡撫江南者首周文襄公二十二年

七錄齋集

卷七

四

德政翔洽歌詠至今然文襄所行通水利均力
役積鹽平糴務在便民惠商無封豕長蛇之警
而公獨逢用兵親執干戈與水犀馳驅文襄當
吳中富庶間有設施取資餘米應時立辦而公
適介空盡并以天災捕蝗禱雨爲有司先嘗慮
不繼文襄奏事朝上夕報內外一體如六飛
躬行而公爲當塗所怒動遭沮抑時勢難易殆
不侔矣中丞令甲秩滿卽遷期以三載考績入
贊六卿而公偏久留故遲不予然江南因此食

福益厚。歲月漸摩。七年而移。猶病其速。曰。奈何。不爲文。襄之二十二年也。公累歲征討。義勇力戰。其不還者。厚恤妻子。屢表旌伐。後有徵發。死事孤兒。爭詣和門。願效先驅。海虞婁東。告密紛起。尤而效者。所在連結。公不憚忌諱。讜言平反。黨始破散。松陵永安。大盜聚舩。立名號。多巨室。貴人爲窟穴。公禽上渠酋。反見誚讓。意終不回。卒獮獲成功。邑人伐石紀之。公年少登第。按部南國。人稱黑頭節度。旣又軍中寢草食糲衣。

七錄齋集

卷七

五

帶不解。毛髮盡白。入朝之日。天子望見公。卽慰曰。卿勞矣。河上駐節。當東土中會。順流而下。皆所統轄。吳人去公尚幸不遠。然飛鳥佇羽。喬枝矯首。公瘠民肥。何日可忘。中朝鑄金以待。景風。百姓列戟以圖形貌。其情一也。夫石相之祠。流歌齊國。唐彬之碑。樹德幽州。彼功止郡邑。猶所居人富。所去見思。生而廟食。春秋時享。况公仁漸。義被化齊。二南者哉。周尚書文襄公祠。堂向建於胥關外。數百步。與牙門遙望。今公祠。

半塘者以召伯聽訟時出遊焉又南北衣冠會處也前者鎮胥江之濤後者挹山靈之勝羽籥歌舞婆娑其下固吾吳鉅觀也

七錄齋集

卷七

五

夏氏綺山塋重建饗堂記

余游江上。出郭東數里。折而西行。綺山在焉。舊傳綺里故居。又云吳王闔閭數出游。萬花如綺。因而得名。登高四眺。竊心樂之。捨舟再行。土封畢如。山水拱抱。竹木映發。詢之土人。則云徵江夏茂才孝琛先世古塋也。攷其世系。塋凡有二。右則其八世祖承事郎甘隱公主之。耐于側者。指揮易軒公也。左則其王考文學帶湖公主使之。耐于側者。孝廉習池公也。習池先生博學長

七錄齋集

卷七

三七

夏

者與陳徵君眉公並重。江南海內問字者絡繹江上。著書極富。詩文千卷。取材在弇州新都間。舉子最晚。爲茂才孝琛。能世其學行。夏氏建塋綺山。自甘隱公始。當其會塋之年。爲孝廟庚戌。易軒刻石著訓曰。非冢傳不掌此墓。繇是易軒傳後。溪後溪傳。容堂容堂傳。帶湖二百餘年。大宗克守。迨其後。鴟巢狐噬。斧柯相尋。萬曆己酉。習池登賢書。墓宅乃安。道無剪拜。會帶湖公歿。習池公舉塋。建左右門楹十四。守墓丁舍二十。

規摹更闢。既而趙太孺人呂孺人相繼歿。殯宮昭穆各以次序墓前。復建饗堂五。董宮保思白顏曰。衍澤陳眉公顧端文高忠憲徐宗伯簡庵諸君子各傳而記之。莫不曰。賢哉孝廉宮室土木之不愛而能寧祖考也。習池公歿。孝琛再建饗堂。命余顏曰永修。于是綺山夏塋二堂並樹矣。衍澤堂之立也。習池公經始獨成。葆首拮据。凡四方書問幣帛贈遺。盡出爲此堂之費。不私一錢。孝琛好讀父書。循丘隴覽懷桶宗族會食。

七錄齋集

卷七

二十八

輪奐正新。復起而咏斯干。何居曰。先祖志也。其隱公墓前舊有饗堂。廢于嘉靖之季。耆老言當日倭亂兵起。毀圯不治。習池公屢謀復之。久而未遑。孝琛念公輒孺子泣。務成先命。度筵庀工。雖儉歲弗避也。永修堂成。廬舍四十。視昔加廣。費緡五百。護丁倍前。悉出私蠹。毋煩族人。意謂小子魚菽之祭。大人杯棬之思。維宗維享。世世于斯。毋日忘也。梁谿華氏以孝傳家。廣置墓田。唐應德中丞爲之作記。文衡山待詔書之時稱。

二絕名播碑版夏氏上世有名方者少喪父母
負土爲墳虎豹馴擾復有名孝先者廬葬遇火
遶穴哀號烏羣鼓羽濡水滅之孝行動天不滅
華寶子孫蕃育數亦相埒饗堂之建義猶墓田
但愧余文非應德筆非待詔耳衍澤先建而世
繼則近永修復成而追本則遠二堂之不可闕
一也猶衣之與裳車之與輔也孝琛器抱公卿
志嚴宗廟其士之善守者歟祭義之明必先宗
法本支百世以堂爲歸余于夏氏觀禮焉謹記

七錄齋集

卷七

二十九

其肇工于某年某月某日落成于某年某月某
日以爲後勸平泉午橋游觀雖美蓋無取也

山宛冥魄 采于祠伏臘 吾歎執志思形
立碑慟力存記和進志好和

周采石年伯像贊

九德之行。十德之父。玉潔日光。雍容垂組。抗靈
均于沅澧。招子晉兮洛浦。或遇不仁。我肉我斧。
柔之以禮。教而不怒。旣鼓琴以來景風。間飲酒
而罰童。殺震電非天。芳蘭在戶。耻當關之呼喜。
零露之溥。宗廟黃流。袞衣可補。爲漢三君。爲周
一乳。漫叟羨其不臣。涓子願言與伍。惟忠孝之
遺形。式馨香於先祖。

七錄齋集

卷七

三十

徐子與先生像贊

聞才子之審直。有畫溪之先生。與弇州爲伯仲。
耻分宜而不平。奇文萬卷。蕭然樂耕。沉飲至醉。
無忘老兵。感賈生之長太息。笑趙鬼之誦西京。
或黼或佩。如壺如瀛。得其一言。卽十五城。挂諸
墨君之堂。時懷滄浪之評。間學吳儻。非同楚儉。
昔之逋客。今之老更。

鍾伯泉像贊

山津之癯。味道之腴。有鶴則放。有谷則愚。或以爲今之臺尚。或以爲古之商瞿。負戴而入。耻世笙竽。藜若而出。與游江湖。彈白鵠之一曲。感飛英之衆柎。豈休明夷白兮足慕。抑游巖寥廓而無徒。吾見之矣。其中黃葛。其枕白石。將抱織簾千卷。而相對於探微之圖。

七錄齋集

卷七

三十一

姚孝子贊

有序

余讀慈谿姚孝子事。仰天而呼。善人不祿。何至是哉。歷觀古孝行。感異鳥。馴猛獸。與產泉湧金者。不勝傳也。孝子痛親之死。願身爲代。而天竟許之。當其叩頭伏地。流血。叫號。惟恐天不聞也。謂天蓋高。旣聞之矣。求死得死。孝子志也。伯兄子雲。哀弟之爲其親死。出入自像。走京師。涉大江。風濤震前。虎狼在後。輒抱不舍。事其弟。無異於事其親也。思親而不見。則出木主而拜之。拜

七錄齋集

卷七

三十三

古

其親則又哭其弟。如初亡時。慈多君子。蹈道如姚氏死者。不負其生。生者不愧於死矣。陶彭澤士孝傳。有衛高柴。魯樂正子。扶風孔奮。江夏黃香焉。今取姚孝子而五之。其亦可也。贊曰。至孝不名。顛沛則誠。爲親而死。其死非輕。肖貌祀之。宜弟宜兄。是謂夙夜無忝所生。

李少司空詠

崇禎十二年春三月之二日鹿城少司空李公
晴原暨配陳夫人劉夫人葬於其邑新洋之村
夫報功崇德典著烝彝存順歿寧義昭孫子惟
公體抱中和姿兼羸秀雕棟發夢符金錯之刀
十歲善文識包山之字嬉戲俎豆羞伍凡兒騰
躍龍駒見稱長者夫固名高江夏博士讓其異
等里號西豪德甫知其昌後矣拔升太學譽滿
羣公洛陽年少國士無雙稷下先生遊談絕跡

七錄齋集

卷七

三十五

班諸南宮之首儒林盡振袖而收觀進於天子
之廷宰相願下車而望見公介守如石退就秋
官登白雲樓而呼七子察長安囚而赦千人既
佐春卿克遵禮域樽節貴戚不止南陽益損太
常寧誇公玉惟楚多材以公往試璠璵在座皆
隋氏之珠竹箭盈庭越荊州之貢西山惜費思
張猛之雅言符璽謝官慕韋賢之善讓出藩於
越專典斯文昌黎起八代之衰山公絕要人之
請羨金不入清比懸魚調士無煩恩均采芑此

又貂璫感義相與酌水而慚韎韐懷仁無敢執
水而踞者也若夫黔南天末土俗互一笻笮不
知漢家尉佗自尊黃屋公裁以帝制列之戶侯
諭告猶長卿之文典章過蕭生之議遂使肅慎
克賓夜郎無大抑云奇矣入嶺南而折稅使之
角番舶伐碑輯二東而流方伯之雨蚘蠶避境
大光朝論特長崇班加以弄印之榮展其登車
之志東人鼓舞大宰昌言別涇漢於桐封無侵
泰山湯沐之邑還湖孺於故土長利瑯琊轉運

七錄齋集

卷七

三十六

之區方瞻久道忽賦歸來擊鯨擊板擁蔽餘臕
負糧擔囊追隨熊軾然公於是時年登上壽居
然洛社之耆英子陵承明豈但道家之蓬室秘
書典校稱手筆者擬二蘇之在唐袍笏輝煌談
恩遇者彷彿五韓之居宋乃閉門却掃獨好寒蟬
訓子著書雅矜松栢嚴平梅福誦讀遺經浮丘
洪崖左右肩袖詩人謂之三壽洪範則云考終
公蓋無憾於天壤矣某式徽音於今如且念孔
攄之鼎銘覩茲蘭幣指滕公之佳宅招以素旗

遂不辭僭而爲之誅。誅曰。

鹿城之墟。有穆其邃。鸞鷲所居。是曰大隧。公歸
百年。神爽無寐。以易傳家。田何善志。若子及孫。
授經以次。克大厥家。象賢乃備。羔裘豹飾。本諸
佩。遂出入殿廬。聲滿天地。坐論三公。出而卧治。
其祥熊羆。世典國瑞。教於公宮。中饋無遂。夫人
有儀。芝醴攸暨。隴西成紀。流風孰企。幽宅一區。
惟天子賜。

祭徐伯母文

溥於丙寅之春交太史。辛未之冬拜吾母。時溥客京城。母方從南來。溥母又先母一月至。相見邸中。歡若平生。母長溥母年一歲。齒當稱姊。都門鮮宗族。子姓歲時伏臘。兩家子各具衣冠拜母。旅居遠不數武。婢媪問聞無日間。壬申秋太史夫人病亡。母撫而泣甚哀。溥母過慰唁。請節哭。太史諸兒女晝夜啼。母心內傷。溥謁弔罷。輒進見母。以高年抑情爲勸。無何太史奉母歸。溥

七錄齋集

卷七

三十八

時亦以送母請于院先生。許繼太史而行。太史留舟河滸待偕發。會有阻。則溥母圖先還。賴太史朝夕衛。可無道路苦。旣復不果。太史鬱鬱南旋。冬將盡。溥母子始旋。及京口。復與太史舟遇。溥初出都。聞太史榜人爲盜厄。心竊怦怦。惟恐驚母。見卽肅拜。候問。母顏色和豫。倍昔。溥母與執手勞別久之。遂連舟東下。抵關方分路。自此太史入婁。溥或造郡。必各謁母。元旦節。輒治舟謁。溥母居百里外。不獲見母。則呼溥問母形容。

余三母生子九
日而寤勞瘁好
能不移心

飲食知健甚。卽大喜。今歲正月之四日。溥與受
先拜母後堂。兒孫扶持。歡笑有加。母年五十有
九。明歲卽稱齊年。太史謀適老人。意命溥豫作
百歲詩。溥亦謂母齒正強。頭髮未白。芝蘭滿階。
可以長娛忘老。孰知一病若是也。母年二十一。
卽獨居。太史在襁褓。僅四月耳。風雨荼苦者三
十年。太史始登第。又三年。母子始聚京邸。母雖
膺封誥。旌里門。世人號爲極榮。然度其居家之
適。無過年來。幾載外。此則皆嚼水飲血。抱呱呱

七錄齋集

卷七

三十九

而泣之日也。太史仁賢。群兄友讓。二孫奇穎。長
者未髻。顯名庠序。女孫俱歸禮門。玉潤有聲。在
母長逝。當無所恨。所痛者節盛而天斲。以年子
孝。而時奪。以養古人。所以悲。搖風慟。枯魚也。溥
賦命不辰。歸家以後。愴歎良朋。匍匐死喪。殆無
虛載。今歲多變。集于吳門。宮端相國。一時捐棄。
老成怒憂。殷傷四海。太史奔走二喪之間。悼心
隕涕。如焚如灼。溥每相對。感時念國。泗必交頤。
今又掖視母病。不寐求索。嘆越人之不生哀巫。

咸○之○弗○悟○天○乎○人○乎○其○誰○爲○之○太○史○休○沐○久○迫○
于○簡○書○再○而○後○起○歲○暮○孔○棘○強○就○單○車○母○不○言○
神○瘁○太○史○數○爲○改○期○母○少○多○病○至○此○血○劇○神○明○
正○爽○時○勉○太○史○束○裝○俄○然○化○去○未○嘗○言○及○家○事○
母○教○子○以○作○忠○而○子○奉○親○于○不○逮○溥○卽○欲○以○禮○
望○太○史○哀○踊○中○節○其○如○此○孺○子○泣○何○哉○

七錄齋集

卷七

四十

祭陳伯母唐太孺人文

嗚呼。讀三君之傳。才子象賢。歌唐山之詩。令母
攷德。旣攀芳於鶴浦。爰炤美乎燕房。彈琴成聲。
君子且豫。采藻爲禮。季女不飢。出公宮以代前
勞。入宗廟而和羣。下芒慈之母。秉鳴鳩之一心。
文矩之妻。明扶風之四誠。有男威鳳。方煩棗梨。
鞠我中閨。不辭乾濕。楚令尹之菟乳。負襁知恩。
尹伯竒之芩衣。聞風絕歎。鳴機待旦。佩褱孔時。
先生薄東郭之青綱。夫人紆鹿門之犬布。里媪

七錄齋集

卷七

四十一

爲之醜酒。長者出而有車。相期大年。賦日月之
偕老。奄遭分袂。遺風雨之孤雛。疾病經秋。誰爲
醫緩。愴呼動地。莫問巫咸。幸撫角羈之英。益顯
松栢之譽。著書四庫。不止東方。乙夜之觀。起衰
八朝。寧僅鄧州數子之力。時昌言而痛哭。歷大
險而文明。登彥升之堂。青雲接跡。感權公之遇。
鸞鳥啣庭。儒者謂百世一時。知已誠千載以上。
承華輟響。豈玉軸之盡虛。嶺海停旌。真粵人之
不幸。痛母長夜。適當榮朝。漑寒泉而未遑。刻空

木其何望。某等肺腑丹石。患難膠桐。草長鶯啼。
想曲江之連騎。水清葉落。傷白鳩之在廬。寫離
騷於楚天。難名哭泣。動歸來於朔土。孰作河梁。
藜杖蒿簞。報泉臺以不朽。革筭木屐。知綬帶之
可銘。敢掬魯醪。用酌貞里。嗚呼哀哉尚饗。

用子思曲陽公運句可學可歌披我胸中
吳畫在仙姑土節少安

七錄齋集

卷七

四十二

祭王母沈孺人文

維母江左高門。吳興甲族。少嫺禮訓。長習詩篇。
內則深衣。備閨房之令典。關雎師象。助絡緯之
微吟。紛澤不調。香薰有戒。根尋鴛水。冰啟瑯琊。
君子著袁隗之稱。淑女脩少君之德。門庭槐樾。
司馬風高。布帛衣裳。鹿車室邇。既考祥於旬主。
爰誕異于斯男。鳳採蠟珠。琢丹山之毛羽。沙清
籀篆。含沆瀣之文章。子安九歲。而指瑕漢書。伯
寶八齡。而獨取石硯。激昂道義。早致雒陽之盛。

七錄齋集

卷七

四十三

名卓爾。孝廉不負。東京之辟舉。寫山川於半臂。
但鼓宗琴。招鸞鵠於深秋。獨聞褚嘯。峻崖拔俗。
直節規今。讀元祐黨人之碑。願書姓氏。刊慶曆
聖德之頌。共命雲霞。鄉黨咸知彥方。冠蓋盡師
逸少。朱穆奏記。足耻金蛇。賈山至言。堪登華屋。
睠彼縞紵之雅。益思絺綌所來。問先世之典墳。
毋有皇甫覽東觀之著作。人推大家。逐雀捕蟬。
仲壬不好。陳俎列豆。鄒里則傳樂羊。垂戒鮑魚。
食無他肉。太史上占星宿。車坐八龍。省柔翰於

玉臺望雲旂於西母。將謂露流銀甕壽字成文。
梔熟綏山肉芝比粲。而玄鶴遽化愴嫠女之不
還。蕙帷先空悲戴勝之莫及。劉蕢下第方憤賢
良。臯魚行號更傷道路。其交踰刑鵠心惻搖風
白馬正從北至。知其戴星南州近在。此間不齋
磨鏡敢託洞酌。用酌幽都。庶靈爽之若存。鑒沼
泚而無愧。嗚呼。

出七集卷七
此詩在卷七中
此詩在卷七中

七錄齋集

卷七

四

題張羽君夏山八詠冊

張用載先生守毘陵時。延吳門諸名人。爲圖東陽之夏山八景。副以詩篇。待詔文先生序其卷首。到今已百十年物矣。大中丞玉翁張公之長公羽君。用載先生五世族孫也。得此卷。再新裝帙。徵所自來。太守後裔漸雕。書籍播散。羽君珍重墨妙。購藏几閣。無異其家之自守陳器也。嘉靖中季。文章絕盛。一時名雋。如文陸王沈皇甫。仇謝之倫。後先倡和。咸在吳門。每聞先輩敘述。

七錄齋集

卷七

四十四

當日諸公載酒合遊。深谿幽谷。命駕忘歸。花月之夕。風雨之夜。其樂無間。偶當意得。則詩歌書畫大叫濡墨。童子竊其一紙。未及墜地。卽爲衣冠家募購。光輝屋壁。毘陵郡公卧治之日。時時邀諸君吟詠翰墨。仿古竹林蘭亭故事。分題飛觴。各極興會。郡公生于夏山。以山自號。屬諸君寫其家山。手畫口語。諸君爲布紙筆狀形勢。如親見者。長廊山水。古屋龍蛇。或思之一月。或得之一日。致無不有也。中丞公撫吾吳。吳人以爲

名雖變鬚眉不改竊慮其賣藥市中卜易江上
踪跡之者猶得執而拘諸司敗乃久客亡恙髮
未二毛縮牛通擁百里出其橐中有詩數卷江
左風流幽燕慷慨高臺明月振袖長吟彼貴人
者其聞之乎向令無礙不逢豺虎早致榮貴及
今之生物會已過烏所見竒獨之生者死之死
者生朽骨久矣而進用方穉同里一氣朝暮何
殊昔人所以願爲黃鵠不願爲蜉蝣也余同年
蘇陽長師事無礙所以左右先生者無異孫賓

七錄齋集

卷七

四十六

石與孔北海兄弟也其事載於徐蘇合傳余讀
之益爽然義命云

題董宗伯手書沈孝廉節母墓志稿

董思翁宗伯爲沈節母墓志草藁方竟便爾粗
化陳眉公先生以其遺筆比之魯公文帖擬得
其倫予更感隣秋仁孝能致此寶宗伯公今之
白香山蘇黃門也每下一字紙不墮地當其壯
盛縑素便面鮮得真者晚年筆札更復遺古松
栢後彫經霜彌烈余前在都下携先子像乞題
公援筆立灑虬龍金石烟楮若生後卜塋時欲
請公墓石公已溘然歎恨無窮今見隣秋所藏

七錄齋集

卷七

四七

益媿不如山陽之笛中散之琴我思如何佇立
以泣此稿字勢放大位置莊雅想其潑墨卽須
勒碑又竹紙數葉直如秀才篋底書耳料記室
掌護百年而後當如溫公通鑑晦翁集註長幅
真形楷草並貴世人但讀其書不可見其筆也
董長公雅重隣秋出此相助文章法書無所不
妙沈氏刊石之後仍秘帳中傳之千載孰敢以
蘭亭贗本亂之

題石佛寺法華經

濟趨上人刺血寫法華經爲時半載七卷告成
暇日披對筆法精整使人輒思曇礮之驚上谷
之翮佛法津航非教毀傷尋門求食殉以支體
何啻周來峻刑不容毛髮上人用心冥默無間
痛楚直欲伐毛洗髓豈以椎鑿爲功武丘寺近
城郭游人都會石佛寺下臨千人坐笙歌沸集
獨諸衲掃關閉門焚脩茹素鳥聲花香絕不與
世關涉寒山片石良足對語又有血經奉持諷
七錄齋集

卷七

四八

誦不輟便可永鎮山門寶同舍利余憩閣上數
日親見禪規懷歎蔬筍跋其卷尾得此解者何
必捨身巖下沙行萬里然後可讀誌公之符入
圖澄之腹耶

空腔那可汗逞經吾行未末大不仁切切
清室高自托月浮地物鍊山門

林天孫詩稿題詞

予不握筆序時義者三年矣。漳海林天孫越數千里過訪，出其制藝讀之，驚起愕喜，疑非人間。比索弁題，愧未答也。及誦刻詩數章，意象竒露，絕類文筆。古今同業起予者深。大武舊壇，葛仙故址，產此神駿，豈云偶然。林子鄉先達著作，流行海內，爲學士師。法人自束髮受書，無不知黃石翁先生者。天孫適從其所來，安昌侯夏瑗公愛而序之，揚於四方，以代折柬辟諸草木，吾氣

七錄齋集

卷七

四九

類也。自古文人信耳成俗，慶虬託名長卿，張率藉聲休文，多才尚爾。何況作長然，妬惑一態。州里爲甚，若使大度居前，英流騁後，揖讓序少，長之禮齒牙極，抽揚之善九品中正，責在老成。豹隱鸞伏，聲光必顯。又誰有抵書丈人，自傷餓虎者哉。天孫文采旣特，更饒兼能，刻燭成陰，探鈎布響，意凌霄漢，不止奴僕新體。以此言詩，屢變益工，而當代鉅人爲彼祭酒，賞龍門之勝遊，薄并州之士族，百篇締構，儼然建章九成，所謂龍

梭已得機杼無難也。石翁諸詩。隨手散布。風雅
悃悃。正則之遺。其刻于南方者。羣習而和之。張
衡四愁。應奉感騷。不乏其徒。一體苟善。卽命詩
豪。天孫自幼摹切。三益歲鞋。四始蔥粲。無慚門
庭。子固知好文之世。下有子淵。益州刺史。必將
以其歌章。上聞五七赤矛。直唾之矣。

七錄齋集

卷七

五十

題贈吳巒穉之光州司錄

嗟乎仲尼不生。牙也久死。椰子所爲致歎於唐季也。況今日哉。然讀端友集所紀載。未可謂古道遂絕也。巒穉門弟子半天下。余兒時已聞之。粗解筆。卽喜讀李仲達侍御文。侍御年雖少。官歷三朝。卒死奄禍。巒穉齒稍過壯。神不損墮。近對策名動京邑。兩人遇合遲速。各有期。此豈人意所及乎。巒穉雖作客。門多長者車轍。然獨語余。謂知我者子與君常爾。嗟乎。孝標廣論七錄齋集。卷七。五十一。痛絕名利。贊皇擇交。志氣爲主。觀諸巒穉。應無前人矣。往者奄難橫興。吾郡與毘陵禍最烈。周忠介行時。士民環擁號泣不前。意氣奮張。碯一武士。五人刑市。呼叫蒼天。李侍御單舸出里門。同黨相顧失色。巒穉以葛巾布衣相周旋。高忠憲先生從容止水。遺表納忠。不動聲色。情倍哭泣。今謚典復脩。侍御易名。當踵忠介。光黃間多異人。先生游焉。明晦異致。友道無窮。余且復思諸葛矣。

舊雨軒帖題詞

上洋朱友石別駕今之京兆小萬卷也。世代文
博名貴驛起侍御水部諸先達詞藻連翩。雄長
文囿。所謂長河不斷連岡勢。邈其家有之。友石
明經博學雅珍墨妙。追集名蹟。磨石以傳。丞相
衣帶之字。夫人大雅之嗟。粲然簡策。至尺一問
答。數行報謝。咸寶同家訓。光刻磨刻。父母名存
長者。如在。僑向孔李。還相遇也。昔王元長聚書
六十四體。風魚蟲鳥。無一不具。沈休文趨高領。

七錄齋集

卷七

五十二

妙。慨然欲與天下盡識龜圖鳥跡。自古文傑必
耽書理。然身涉標季志窮蒼籀。墨礪上谷。卧遊
而已。孰若舊雨佳本。旨從近取。廓填影書。假借
並絕。此直士季家碑。右軍筆說。運帚掣械。事逸
功倍。置諸堂上。賓客可盡驚座。小子無泣斷紋
也。

題會吟

會吟之篇與吳趨同意各言其土風也周子又魯家本會稽博學善遊渡曹江歷朱方汎濫舟輿極河朔而後已豐壺上客鶴鼎佳賓拂席舉衣醉可一石莫非詩也趙代秦楚之謠魏晉宋梁之製循節彷彿筆摧意盡今不假夢黃衣獨能濯錦襄陽高據自稱詩星蓋伊人乎每一終篇毋忘會稽乘車戴笠何温厚也禹會塗山有女作歌侯人兮倚南音所始又魯其聞之矣新聲貴本土音操雅若摹榻于紙亦詩家之蘭亭也。

七錄齋集

卷七

五十三

跋陸安甫先生像

逆瑾柄用。專以摧戮士大夫爲威強。當日大僚
荷較。直臣笞死。殆無虛月。匿名之獄。舉朝震恐。
囚者三百。其間中烈日曝死者三人。吾鄉陸安
甫先生與焉。時正德之三年也。先生方成進士。
疑與中人貴璫。無所交關。而罹禍獨蚤。彼平時
恨。恨髮指衝冠。必爲緹衣耳。目人固有死日。先
生之死。義也。甫脫芒躡。趨湯如歸。夫婦爲夫死。
臣爲君死。一耳。未廟見之婦。卽死。夫難。其悲傷
可憐也。甚於他婦。謂去女子未遠也。安甫先生
其然乎。李元甫所畫像。猶太學衣冠。使當日親
見公死狀圖。以示人。嘗山之舌。侍中之血。形貌
又當何如哉。

七錄齋集

卷七

五四

跋洞庭吳伯玉藏申文定家書

文定書法與吾婁太原各一體裁肥瘦迥媚筆勢軼出雖世不多見然吳中遺墨徃徃而有大抵親故徃還尺一報問大字挂壁象笏之餘吳人不忘也伯玉寶愛名蹟得文定家書數幅裝成幀卷每幅字不下幾百余觀唐宋碑刻掇集二王隻字必收見息姊妹嘗語寒暄鈎摹殆盡尚恨墜佚若此連篇細書首尾年月文皆鱗貫可謂多多益善矣伏波誠子勤渠折節顏氏垂

七錄齋集

卷七

五十五

訓欲燒麈尾長者之旨又未嘗不百世同符也

楊年伯母唐太夫人貞壽頌序跋

貞壽諸篇。四方所爲頌楊母也。吾母栢舟之節。公宮之訓。遠近皆能言之。女士母師。大抵在扶風宣成間。有子治非。以藐諸雄儒林。出守郡國。奏治行第一。莫非母教。今者觴吾母。詠歌麈。至綠。綈。盛。硯。銀。管。給。書。猶。恨。形。容。未。盡。蓋。懷。治。非。者。傳。孟。堅。之。循。良。拜。吾。母。者。圖。中。壘。之。列。女。詩。人。思。郇。伯。左。氏。美。敬。姜。意。俱。近。之。予。託。猶。子。登。堂。缺。焉。宋。遠。河。廣。以。言。將。之。爲。書。大。指。酌。斗。是。

七錄齋集

卷七

五六

代矣。

顏帖跋

魯公筆法。多得之夏雲竒峯。廢翁體尚高逸。蕉葉石版。其書咸編神明極觀。又在華嚴過隸。近間。又聞數帖。每帖無過二十餘字。印泥畫沙。生氣畢備。措字之難。智巧斷盡。昔人有經營數年。不成一字者。翁于顏極深。形神兼之。此冊幸存。字且過百行。金札珠以少爲尚。真法書之謬。謬者也。

七錄齋集卷七

七錄齋集

卷七

五二

09811

